

摘藻堂四庫全書薈要

子部

欽定四庫全書

子部

御定書畫譜卷二十一

詳校官兵部主事臣雷純



欽定四庫全書薈要卷一萬一千三百五十二

子部

御定佩文齋書畫譜卷二十

歷代帝王書下

后妃諸王附

宋

太祖

太祖諱匡胤姓趙氏涿郡人後周恭帝禪位定有天下之號曰宋三代而降考論聲明文物之治道德仁義之風宋於漢唐益無讓焉

宋史本紀



政和五年因建明堂有旨徙祕書省出於外在宣德門之東亦古東觀類云祕書省自政和末既徙於東觀之下宣和中間始告落上因踵故事為幸之御手親持太祖皇帝天翰一軸以賜三館誥羣臣曰世但謂藝祖以神武定天下且弗知天縱聖學筆札之如是也今付祕閣永以為寶於是大臣近侍因得瞻拜太祖書札有類顏字多帶晚唐氣味時時作數行經子語又間有小詩三四章皆雄偉豪傑駭動人耳目宛見萬乘氣度往往

跋云鐵衣士書似仄微所游戲翰墨也

蔡條鐵圍山叢

譚

太祖嘗有所書詩數幅天下一統四大字處分手札楷
書三行傳世人知寶愛

書史會要

太宗

太宗諱炅初名匡乂改賜光義宣祖第三子性嗜學工

文業多藝能

宋史本紀

五代以來筆札無體鍾王之法幾乎絕矣太宗在南宮

留意翰墨自是學者書體丕變章如愚山堂考索

熙陵妙盡八法當時士大夫皆親承指畫

黃庭堅山谷

集

太宗真造八法草入三昧行書無對飛白入神

米芾海

岳名言

太宗方在躍淵留神墨妙斷行片簡已為時人所寶及
既即位區內砥平朝廷燕寧萬幾之暇學書至於夜分
巧倍前古體兼數妙英氣奇采飛動超舉聖神絕藝無

得而名焉帝善篆隸草行飛白八分而草書冠絕嘗語
近臣曰朕君臨天下亦有何事於筆研特中心好耳江
東人能小草累召詰之殊不知向背也小草字學難究
飛白字勢罕工吾亦恐自此廢絕矣蓋深慮書法之缺
墜而勤以興之也

墨池編

太宗嘗夜召書學葛湍問徐鉉草書如何湍曰鉉留心
篆籀不聞草聖上曰鉉嘗見朕書否湍曰臣僚非詔賜
無由得觀上喜於軸中出御草書二紙曰一以賜汝一

以賜鉉

宋太宗實錄

上嘗臨幸祕閣出草書千字文賜李至勒石上曰千文
乃梁武得破碑鍾繇書命周興嗣次韻而成理無足取
若有資於教化莫孝經若也乃書以賜至

宋史李至傳

前世錢未有草書者淳化中太宗皇帝始以宸翰為之
既成以賜近臣崇寧大觀御書錢蓋襲故事也

趙德麟

侯鯖錄

太宗皇帝肇修三館更立祕閣於昇龍門左親為飛白

書額作贊刻石閣下 宋史謝絳傳

雍熙三年十月朔上出飛白書賜宰相李昉等因謂曰
朕退朝未嘗虛度光陰讀書外留意真草書近又學飛
白昉等頓首謝 彭百川太平治迹統類

至道二年六月出飛白書二十軸賜宰相呂端等人五
軸又以四十軸藏祕閣字皆方圓數尺上曰飛白依小
草書體與隸不同朕好之既久遂盡其法 山堂考索

上撰趙普神道碑銘親八分書以賜之 宋史趙普傳

端拱二年以御書急就章藏於祕閣刻石賜近臣山堂
考索

太宗每當暑月御書團扇賜館閣學士

蓬山志

太宗皇帝嘗遣使購募古先帝王名臣墨帖集為十卷
淳化三年冬詔刊之後大臣登二府皆以賜焉

法帖釋

文

真宗

真宗諱恒太宗第三子幼英睿姿表特異初學受經一

覽成誦天禧四年召近臣於龍圖閣觀御製文辭帝曰
朕聽覽之餘以翰墨自娛出御製七百二十二卷付宰
臣宋史本紀

真宗在東宮太宗勗令學草書

王銍國老談苑

真宗皇帝善草聖

法帖釋文

乾興元年三月丙子賜輔臣御飛白書各一軸初上未
嘗為飛白書一日見飛白筆遂取試書其體勢遒勁有
如夙習因以分賜焉十二月甲辰親書唐賢詩分賜

玉

金史四
卷二十
海

真宗幸大名題詩宮壁數十篇字可大如斗道健有法

潘仲駢大名府志

真宗善書甚得晉人風度書史會要

仁宗

仁宗諱禎初名受益真宗第六子景祐二年置邇英延義二閣寫尚書無逸篇於屏至和七年幸寶文閣為飛

白書分賜從臣宋史本紀

仁宗萬幾之暇無所翫好惟親翰墨而飛白尤為神妙
凡飛白以點畫象物形而點最難工至和中有書待詔
李唐卿撰飛白三百點以進自謂窮盡物象上亦頗佳
之乃特為清淨二字以賜之其六點尤為奇絕又出三
百點外

歐陽修歸田錄

皇祐三年飛白書筆法二字賜講讀官皇祐以後每歲
重午節必賜飛白書扇天聖五年召輔臣至崇政殿賜

織成御飛白字圖

玉海

蔡襄知制誥帝親書君謨二字遣使持詔予之

宋史蔡

襄傳

天聖五年九月召輔臣觀御飛白書慈孝寺崇真殿榜於承明殿崇真殿者真宗神御殿也十一月上親篆慈孝寺碑額慶厯五年以寶相佛閣為慈尊閣御飛白書榜賜之寶元元年作舍人院閣上親篆其榜曰紫微閣以賜之慶厯六年太平興國寺重修太祖神御開先殿成上飛白書榜皇祐二年上將祀明堂太常禮院言明

堂及門當為殿榜上曰二榜當親書是日於禁中服韞袍篆明堂二字飛白明堂之門四字自書逮夜半而畢宣示羣臣又詔模刻二榜為副本頒二府及近侍皇祐中賜王曾碑曰旌賢又親篆寇準碑曰旌忠賜碑額者二十二人嘉祐中御書五臺真容院寶章閣榜御篆文宣王廟門并殿榜至和二年飛白鳳翔上清宮榜

玉海

仁宗字勢皆有法度崇政延英之宣示飛白揭琳宮之榜篆額動感應之碑皆足以顯一時之榮遇

山堂考索

英宗

英宗諱曙濮安懿王允讓第十三子四歲仁宗養於內
皇祐七年立為皇子八年嗣皇帝位 宋史本紀

英宗皇帝最喜書儒臣王廣淵以書得侍從 法帖釋文

治平元年英宗召輔臣觀御篆孝嚴殿額於迎陽門又
御篆賈昌朝碑又御書四民安康字賜司馬光 玉海

神宗

神宗諱顒英宗長子天性好學至日晏忘食治平三年

立為皇太子四年即皇帝位

宋史本紀

神宗皇帝喜徐浩書熙寧元豐間天下化之

法帖釋文

熙寧元年召輔臣觀御書英德殿榜於迎陽門元豐五年御崇政殿召輔臣觀景靈宮御書十一殿榜

玉海

哲宗

哲宗諱煦神宗第六子元豐五年封延平郡王八年皇太后垂簾諭宰相王珪等曰皇子性莊重從學穎悟手寫佛書為帝祈福因出以示珪等所書字極端謹珪等

稱賀遂奉制立為皇太子戊戌即皇帝位 宋史本紀

先帝大喜鍾王書 法帖釋文

邇英講論語終篇賜執政講讀史官燕於東宮又遣中使就賜御書詩各一首臣軾得紫薇花絕句 東坡集

元祐五年召講讀官講書讀寶訓賜御書詩一首上親書姓名於後 玉海

徽宗

徽宗諱佖神宗第十一子崇寧元年籍元祐及元符末

宰相文彥博等侍從蘇軾等餘官秦觀等內臣張士良等武臣王獻可等凡百有二十人御書刻石端禮門政和七年道錄院上章冊為教主道君皇帝

宋史本紀

政和七年國子監辟廳御書大成殿榜宣和四年幸祕書省宣示御書千文十體書洛神賦行草近詩

玉海

徽宗御府所儲書其前必有御筆金書小楷標題

趙希

鵲洞天清錄

子直請鑄小鐵錢因範格以進徽宗大說御書宣和通

寶四字為錢文 宋史宗室子湏傳

裕陵作黃庭堅書體後自成一法 鐵圍山叢談

徽宗行草正書筆勢勁逸初學薛稷變其法度自號瘦

金書 書史會要

欽宗

欽宗諱桓徽宗長子宣和七年嗣位 宋史本紀

靖康元年上手書裴度傳賜李綱 宋史李綱傳

乾道七年吳敏孫楠進一百軸劉愈進二軸八年毛奎

孫勸進十軸毛勤進一百軸九年陳過庭孫述進十四
軸張伯成進詔旨一軸程邵進御筆八十八軸及東宮
書詩賦各一軸並欽宗御書

玉海

高宗

高宗諱構字德基徽宗第九子宣和三年封康王資性
朗悟博學強記讀書日誦千餘言建炎元年即帝位於
濟州手詔巡幸東南遷都臨安紹興三十二年詔皇太
子即位稱太上皇帝處德壽宮

宋史本紀

宋高宗評書一卷亦名翰墨志 宋史藝文志

高宗以御書真草孝經賜秦檜紹興九年檜請刻之金石以傳於後上曰世人以十八章童蒙書不知聖人精微之學皆出乎此朕因學草聖遂以賜卿豈足傳後檜再三請乃從之 宋學士院經進中興紀事本末

高宗即位十九年干戈之日居多乃能親御翰墨作小楷以書周易尚書毛詩春秋左傳全帙又節禮記中庸儒行大學經解學記五篇章草語孟悉送成均 曾惇石

刻鋪敘

思陵妙悟八法留神古雅訪求法書名畫不遺餘力清閒之燕展玩摹搨不少怠

陸游渭南集

高宗皇帝飛龍之初頗喜黃庭堅體格後又采米芾已而皆置不用頗意義獻父子手追心慕曾不數年直與之齊驅並轡紹興十年御書太后玉冊上曰學書必以鍾王為法然後出入變化自成一家

玉海

太上嘗書玉堂二字賜學士周茂振鱗之刻石廳上

周

必大玉堂雜記

淳熙五年太上賜史少保御書四軸隨駕宮人內官並

賜金絲御書扇

周密乾淳起居注

集芳園堂榭有名者曰蟠翠

古松

雪香

古梅

翠巖

奇石

倚繡

雜花

挹露

海棠

玉蕊

瓊花

清勝

假山

皆高宗御扁

周密齊東野語

高宗詔書親札雲章奎畫超古冠今

玉海

孝宗

孝宗諱昀字元永太祖七世孫秀王偁子紹興二年育

於禁中三十二年立為皇太子即皇帝位淳熙十六年
傳位皇太子帝之重華宮上尊號曰壽皇聖帝

宋史本

紀

高廟嘗臨蘭亭賜壽皇於建邨云可依此臨五百本

陸

游老學菴筆記

隆興三年虞允文使蜀太上賜御書聖主得賢臣頌上

又為之製跋

宋史虞允文傳

隆興中上書崔寔政論賜輔臣

宋史范成大傳

淳熙三年太上賜官家御書急就章并金剛經官家却
進御書真草千文太上甚喜云大哥近日筆力甚進上
起謝同皇太子蟠松下看御書詩

周密乾淳起居注

蕭燧知樞密院孝宗每稱其全護善類誠實不欺手書

二十八將傳以賜

宋史蕭燧傳

乾道八年賜進士黃定等御書益稷謨淳熙中御書旅
獒篇賜進士姚穎等書唐元稹牡丹詩扇賜吳琚書劉
禹錫詩賜張子仁書楊傑二軒記賜子仁書白居易七

德舞賜翰林學士周必大御書梅詩賜步帥岳建壽御
書扇賜殿帥郭棣書杜牧戰論賜皇太子御書詩賜濮
王士勗永陽王居廣書琅邪山詩賜吳琚書蘇軾四詩
石湖二字賜范成大淳熙十二年洪邁直禁林賜宸翰
唐白居易詩一首宋鮑照舞鶴賦一軸 玉海
聚景園清波門外堂扁皆孝宗御書 泗水潛夫南宋宮

殿記

孝宗筆法之妙明堂嚴宗祀之恭經閣崇奎章之奉賜

書懋進士之訓詩篇侈臣工之榮鈎珥昭回超冠八法
洪邁野處猥橐

孝宗書有家庭法度

書史會要

光宗

光宗諱惇孝宗第三子紹熙五年皇子嘉王即位尊為

太上皇帝

宋史本紀

趙汝愚請立皇子嘉王為太子奉御批八字以奏太皇

太后曰既有御筆卿當奉行

宋史寧宗本紀

皇甫履隱廬山光宗在東宮特書神泉二字

何晏九江

志

慶元二年五月詔詳定官許及之編次太上領尹日御
筆為七十一冊總目一冊御筆六十五軸兵籍一冊十
一月上詣壽康宮恭進聖安壽仁太上皇帝領尹御筆
案牘共七十一卷

玉海

寧宗

寧宗諱擴光宗第二子初封嘉王紹熙五年即皇帝位

宋史本紀

黃裳為嘉王府翊善每歲誕節則陳詩以寓諷其後又以王所講三經為詩三章以進王喜為置酒手書其詩以賜之

宋史黃裳傳

端平二年御書張九齡進金鏡事賜真德秀淳祐元年讀仁皇訓典終篇親御奎章以禮記大學張載西銘呂大臨克己銘程顥顏樂亭分賜輔臣

玉海

趙與懽授萬壽觀使帝書安貧樂道植節秉忠字賜之

宋史趙興懷傳

吳淵拜資政殿大學士封金陵侯賜錦繡堂忠勤樓大字
宋史吳淵傳

開禧皇帝親御翰墨書崇道菴三字賜妙行先生包道成
渭南集

史守之退處月湖與慈湖諸公講肄為樂寧宗書碧沚字賜之
文徵明甫田集

靈隱觀寧宗御書沖隱菴
湖山勝槩

寧宗書學高宗書史會要

理宗

理宗諱昀太祖十世孫寧宗以為皇子嗣皇帝位宋史本紀

理宗被選時史衛王當國私引入書院中試令寫字即大書朕聞上古衛王慄而起曰此天命也於是立儲之意遂定周密癸辛雜識

教授鄭清之日教昀為文購高宗書俾習焉宋史鎮王

竑傳

端平中贈楊畋講讀官御飛白書扇遣使特賜宋史楊畋傳

西湖一曲奇助理宗御書齊東野語

度宗

度宗諱禔太祖十一世孫父榮王與芮理宗母弟也寶祐元年立為皇太子景定五年即皇帝位宋史本紀

秋壑遂初客堂度宗御書齊東野語

度宗書法體製不失家教

書史會要

曹皇后

仁宗曹皇后真定人樞密使武惠王彬之孫也性慈儉重稼穡常於禁苑種穀親蠶善飛帛書

宋史本傳

慈聖曹太后工飛白蓋習觀昭陵落筆也先人舊藏一美字徑二尺許筆勢飛動用慈壽宮寶

老學菴筆記

向皇后

神宗向皇后河內人宰相敏中曾孫哲宗立尊為皇太

后宋史本傳

向皇后工行草書史會要

劉貴妃

劉貴妃其出單微入宮即大幸由才人七遷至貴妃政和三年卒謚曰明達宋史本傳

貴妃臨安人紹興十八年入宮專掌御前文字工書畫陳善杭州志

吳皇后

高宗吳皇后開封人博習書史又善翰墨高宗內禪稱
太上皇后名所御殿曰慈福

宋史本傳

慈福皇太后喜親翰墨尤愛蘭亭嘗作小楷一本全是
王體流傳內外故陸升之代劉珙造春帖子有云內仗
朝初退朝曦滿翠屏硯池深不凍端為寫蘭亭

桑世昌

蘭亭博議

劉婉儀

劉婉儀初入宮封宜春郡夫人尋進才人

宋史本傳

劉夫人建炎間掌內翰文字及寫宸翰字高宗甚眷之
書史會要

楊皇后

寧宗楊皇后會稽人頗涉書史知古今皇子即位尊曰

皇太后 宋史本傳

楊皇后書法類寧宗 書史會要

太清宮寧宗時建楊太后書道德經石幢 湖山勝槩

冀王惟吉

冀王惟吉字國祥太祖孫燕王德昭子終感德軍節度使好學善屬文雅善草隸飛白真宗次為七卷御製序命藏祕閣其子守節以父所書真草千文以獻詔書褒答仍付史館明道二年封冀王

宋史本傳

越王元傑

越王元傑字明哲初名德和太宗子穎悟好學善屬詞工草隸飛白建樓貯書二萬卷謚文惠

宋史本傳

楚王元偁

楚王元偁字令聞太宗子謚恭惠有集三卷筆札一卷
上為製序藏之祕閣宋史本傳

周王元儼

周王元儼太宗子少奇穎喜聚書好為文詞頗善二王
書工飛白謚恭肅詔以元儼墨跡及所為詩分賜宰臣
餘藏祕閣宋史本傳

信安王允寧

信安王允寧字德之太宗孫商王元份子喜讀唐史通

知近朝典故工虞世南楷法真宗賜詩激賞之終武定軍節度使贈信安郡王謚僖簡

宋史本傳

吳王顥

吳王顥字仲明初名仲紉英宗次子謚曰榮天資穎異尤嗜學工飛白好圖書博求善本神宗嘉其志尚每得異書亟馳使以示

宋史本傳

益王顥

益王顥初名仲格英宗第四子謚端獻端重明粹少好

學長博通羣書工飛白篆籀

宋史本傳

益王留意翰墨嘗效唐玄度夢英作篆籀十八體又復出衆體之外作八體學者多宗之嘗盡六幅絹作一字筆力神俊非積學不能

宣和書譜

秀王子偁

秀王子偁秦惠康王之後高宗族兄也子伯琮被選入宮是為孝宗累官左朝奉大夫贈太師中書令封秀王

謚安禧孝宗受禪稱皇伯

宋史本傳

王庭珪跋謝仲振所藏秀王帖後云秀王初筮仕時與
開封謝仲振為代於淮陽軍幕中厥後或以事至東都
必先尋訪敍舊故接慇懃勤通書必親灑墨英風義氣表
表出常情之外使人歎仰

王庭珪廬溪集

景獻太子詢

景獻太子詢燕王後藝祖十一世孫初名與愿寧宗既
失究王取與愿養於宮中開禧元年立為皇太子

宋史
本傳

景獻太子書法學高孝兩朝

書史會要

臨川郡王迺裕

臨川郡王迺裕景獻太子子書學高孝兩朝筆法

書史

會要

衛國大長公主

衛國大長公主太祖女嫁駙馬都尉李遵勗善筆札喜

圖史能為歌詩

宋史本傳

魏國大長公主

魏國大長公主英宗第二女神宗時封蜀國公主下嫁
左衛將軍王詵好讀古文章喜筆札

宋史本傳

越國夫人王氏

越國夫人王氏端獻王頹之妻作篆隸有古法書史會
要

華國夫人韋氏

華國夫人韋氏魏惠獻王愷妻

愷以雄武保寧軍節度使判寧國府徙判明州

特封韓魏兩國夫人

宋史魏王愷傳

謝翱翠鍊亭避雨詩云仰面無所覩梁間有題字問此何人書婉婉有弱氣云昔魏王妃學書似李衛乘雲到此山灑墨在空翠自注云亭有魏王妃所題字尚新王嘗以成德軍節度使鎮明故妃至其處

晞髮集

遼

太祖

太祖姓耶律氏諱億字按巴堅字多爾濟契丹耶律默呼人遼史本紀

太祖多用漢人教以隸書之半增損之製契丹字數千
以代刻木之約書史會要

聖宗

聖宗諱隆緒小字文殊努景宗皇帝長子幼喜書翰十

歲能詩遼史本紀

道宗

道宗諱洪基字聶呼小字察喇興宗皇帝長子遼史本

紀

道宗喜作字嘗有所書秦越大長公主捨棠陰坊第為

大昊天寺碑及額今在燕京舊城

書史會要

遼大昊天寺碑道宗皇帝書

胡文煥古今碑帖考

天祚帝

天祚皇帝

書史會要
稱末帝

字延寧小字阿果道宗之孫

遼史

本紀

馬人望判南京三司使事以年老改南院宣徽使天祚

手書宣馬宣徽四字詔之

遼史馬人望傳

末帝亦能書常奉道宗勅寫五子之歌行於時書史會要

蕭皇后

道宗蕭皇后小字觀音樞密使惠之女工詩善談論清寧初立為懿德皇后乾統初追謚宣懿皇后遼史后妃傳

蕭皇后善書王鼎焚椒錄

寧王成默

寧王成默字和拉準世宗第三子敏給好學通契丹漢
字能詩封寧王

遼史皇子表

金

熙宗

熙宗諱亶本諱哈喇太祖孫景宣皇帝子廟號閔宗大
定二十七年改廟號熙宗

金史本紀

熙宗製女直字與完顏希尹所製字俱行希尹所撰謂
之女直大字熙宗所撰謂之女直小字

金史完顏希尹

傳

世宗

世宗諱雍本諱烏魯太祖孫睿宗子也

金史本紀

章宗明昌元年勅外路求世宗御書

金史章宗本紀

世宗御書田不伐望月婆羅門引元好問有詩云承平
舊物霓裳譜寶氣輝輝映千古

遺山集

章宗

章宗諱璟小字瑪達格顯宗嫡子世宗十八年封金源

郡王始習本朝語言文字及漢字經書二十九年即皇
帝位改元明昌 金史本紀

金章宗之母乃徽宗某公主之女也故章宗凡嗜好書
劄悉效宣和字畫尤為逼真金國之典章文物惟明昌
為盛 癸辛雜識

慶壽寺舊有石刻金章宗飛渡橋飛虹橋六大字 春明
夢餘錄

章宗喜作字專師宋徽宗瘦金書 書史會要

元妃李氏

章宗元妃李氏師兒大定末以監戶女子入宮是時宮
教張建教宮中師兒與諸宮女皆從之學章宗問建宮
教中女子誰可教者建對曰就中音聲清亮者最可教
章宗以建言求得之章宗好文辭妃性慧黠能作字知
文義遂大愛幸明昌四年封為昭容明年進封元妃金
史本傳

瀛王瓌

瀛王瓌本名罕都

顯宗子

鄆王宗之同母弟也工詩精於

騎射書藝女直大小字章宗即位封瀛王謚文敬

金史

本傳

楚王宗雄

楚王宗雄本名摩囉歡康宗長子好學嗜書嘗從上獵
誤中流矢而神色不變恐上知之而罪及射者既拔去
其矢託疾歸家臥兩月因學契丹大小字盡通之大定
二年追封楚王謚威敏

金史本傳

金源郡王希尹

金源郡王希尹本名固紳罕都之子也太祖命希尹撰
本國字備制度希尹乃依倣漢人楷字因契丹字制度
合本國語製女直字天輔三年八月字書成太祖大悅
命頒行之熙宗即位封金源郡王謚貞憲

金史本傳

元

仁宗

仁宗諱阿裕爾巴里巴特喇成宗次子武宗之弟

元史本

紀

鄧文原題延祐宸翰詩序云仁宗親灑宸翰昭示龍光
忝備臣僚咸增鼓舞

鄧文原巴西集

英宗

英宗諱碩迪巴拉仁宗嫡子

元史本紀

英宗怡情觚翰嘗見宋宣和手勅卷首御題四字又別
楮日光照吾民月色清我心十字一琴上至治之音四
字皆雄健縱逸而剛毅英武之氣發於筆端

書史會要

至治二年命國工繪中書右丞相拜珠像勅翰林侍講
學士袁桷為之贊御書唐皮日休詩吾愛房與杜魁然
真宰輔黃閣三十年清風億萬古之詩以賜之黃文獻
公集

泰定帝

泰定帝諱伊蘇特穆爾世祖嫡曾孫晉王噶瑪拉長子
英宗叔也元史本紀

泰定間陳楚舟使南番番王遺以金珠舟却之使還上

廉其却賂狀御書雪蓬二字賜之以為舟號勅建御書閣以旌之 湖廣通志

文宗

文宗諱圖特穆爾武宗次子明宗之弟 元史本紀

文宗作字有晉人法度 書史會要

奎章閣有靈壁石竒絕名世御書其上曰奎章玄玉道

園學古錄

天歷二年文宗建奎章閣命虞集撰記御書刻石識以

天厯之寶或加用奎章閣寶應賜者必閣學士持詣榻
前四復奏然後予之趙汭東山集

元文宗臨唐太宗永懷二字以賜庫庫子山袁中道游
居錄

順帝

順帝

陶宗儀作
庚申帝

名托歡特穆爾明宗長子元史本紀

上潛邸廣西時書方谷二字賜臣毛遇順謹贊曰皇德

淵靚泊如太虛海上浴日惟書為娛余闕青陽集

元統元年皇帝御明仁殿特書閒閒看雲四大字賜玄
教大宗師特進上卿吳全節於是摸刻飾以金碧齋歸
而揭之布衣臣李存言曰聖心之安神氣之和蓋溢於
筆墨之外不但度越前代有非專門白首所能企及謹
稽首而為之贊曰皇帝踐祚尚於文德偉哉天遊先此
翰墨惟大宗師實方外臣應時順事豈必隱淪故山之
西有宇明靜異其扁揭昭乃修省燕閒特書龍相鳳並
煥乎天章誰其能名微臣何有四海頌聲

李存侯菴集

庚申帝改奎章閣為宣文留心翰墨所書大字嚴正結
密書史會要

太子阿裕錫哩達刺

太子阿裕錫哩達刺順帝長子

元史世系表

太子風儀俊邁性資英偉帝於東宮建端本堂置賢師
傳以教之知好學喜作字真楷遒媚得虞永興之妙書

史會要

歐陽玄云皇太子習大書端本堂上命度其所書記之

於籍或以賜近侍宮臣則錄所賜人姓名而登載之慎重之至也宣文閣授經郎鄭深得侍硯席所賜麟鳳二大字若曰同居為國家之瑞有若麟鳳云爾筆法方嚴意度閒暇天縱不凡 歐陽玄圭齋集

順德王哈喇哈孫

順德王哈喇哈孫威喇諾爾氏善騎射工國書雅重儒術至大元年追封順德王謚忠獻

元史本傳

明

太祖

太祖諱元璋字國瑞濠州人也姓朱即皇帝位定天下之號曰大明廟號太祖

何喬遠名山藏

義烏黃昶引見於西苑上愛昶有俊才揮豪賦一詩贈之字大如竿

宋濂學士集

休寧朱學士允升預參帷幄嘗請留宸翰以光後圃書樓上親書梅花初月樓以賜之

黃瑜雙槐歲抄

太祖賜臣下御劄甚多如中山王宋學士者勿論方駐

躡徽州時御書一劄賜汪同子孫寶藏於家

朱國禎湧

幢小品

太祖神明天縱默契書法御書第一山三大字於鳳陽

龍興寺端嚴道勁妙入神品

書史會要

萬厯中閣臣申時行於故牘中得高皇帝御筆七十六

道裝潢以進

劉繼五石瓠

建文君

建文君諱允炆懿文太子次子高皇帝孫也

名山藏

董倫典教滇南建文在東宮憐其老且遠去賜白金若干鎰及即位召拜禮部侍郎兼翰林學士御書怡老堂扁及髹几玉鳩杖各一以賜之倫上表謝略云桓榮設几杖於太常不聞宸翰之賜晏殊題舊學於神道未見几杖之頒

李贄續藏書

成祖

成祖諱棣太祖第四子也太祖分封諸王以燕元舊京擇可鎮服者居之以封上建文四年起兵靖難即天子

位名山藏

成祖賜太子少師姚廣孝七十壽詩二首御書用紫粉
金龍箋題云八月十三日有為善最樂圖書少師攜至
常熟入餘慶書院謁文靖公祠其守僧淨心少同衣鉢
謂之曰御書有餘慶二字留此永鎮山門今在院中
列
朝詩集

仁宗

仁宗諱高熾太宗嫡長子也與宮僚鄒濟王汝玉徐善

述等講說詩書修詞賦之業日記萬言辭翰並精名山藏

仁宗萬幾之暇留意翰墨嘗臨蘭亭帖賜沈度意法神韻唐之太宗不能過也書史會要

宣宗

宣宗諱瞻琪仁宗嫡長子也讀書一目數行盡衷皆舉經史百家莫不涉意翰墨圖畫隨意所在盡極精妙名

山藏

宣宗賜程南雲草書歌云朕幾務之暇游心載籍及徧
觀古人翰墨有契於懷嘗賦草書歌以寓意焉以爾日
侍之勞書以賜之草書所自何所授初變楷法為章奏
當時作者最得名崔瑗杜度張伯英三人真跡已罕見
後來繼之有羲獻筆端變化妙入神逸態雄姿看勁健
風驚電掣浮雲飛蛟龍奮躍猛虎馳漢晉草法千載師
張顛藏真亦絕奇一代精藝才數輩遺墨千人萬人愛
固知頓挫出腕力亦用飛動生神采古來篆籀今已譌

何況隸草譌愈多吾書豈必論工緻誠懸有言當默識
宣宗御製集

宣宗書出沈華亭兄弟而能於圓熟之外以遒勁發之
藝苑卮言

宣宗時三楊蹇夏諸賢輔政泰交之際常有御製詩歌
必親灑宸翰賜之行雲流水飛動筆端真天藻也其上
紫泥為廣運之寶

書史會要

憲宗

憲宗諱見深英宗長子也時御翰墨作為詩賦以賜大臣諸司章奏手自披閱字畫差錯亦蒙清問臣下益兢業職事莫敢或欺

名山藏

憲宗嘗手題張三丰畫像聖藻仙容兩絕塵表

書史會

要

孝宗

孝宗諱祐楹憲宗子也時覽記孝經尚書家禮大明律四種書皆有日課有疑義即召問法吏儒臣學士張元

禎上疏勸經筵講太極西銘諸書索太極圖觀之曰天生斯人開朕也名山藏

王鏊孝廟御書贊云奮豪落紙思入混茫氣吞顏柳勢壓鍾王淵停嶽峙玉質金相王鏊震澤集

孝宗酷愛沈度筆蹟日臨百字以自課又令左右內侍書之書史會要

世宗

世宗諱厚熄興獻王長子也武宗無子嗣皇帝即位御

製西苑賦使大學士孚敬尚書時相度共和因手書賦
賜三臣彙曰咏和錄名山藏

嘉靖五年刑部尚書趙鑑致仕陞辭上特製詩一首書
於龍牋賜之以寵其行雷禮國朝列卿紀

御書視日儀刻石禮部寅清堂前

徐學謨世廟識餘錄

昌平九龍池上有粹澤亭亭池兩榜世宗皇帝御書也
餐微子集

昌平東山口有小山曰平臺山成祖常駐蹕焉嘉靖十

七年上幸平臺山御題聖蹟二字 昌平山水記

神宗

神宗諱翊鈞穆宗子留心翰墨每攜大令鴨頭九帖虞世南臨樂毅論米芾文賦以自隨勸學詩一章御書賜太監孫隆刻石吳中

列朝詩集

上初即位好為大書內使環立求書者嘗數十紙而外廷臣僚得受賜者惟內閣講臣而已所賜江陵如弼予一人永保天命爾惟麴蘖汝作鹽梅及捧日精忠堂閣

之扁字畫道勁鸞迴鳳舞時聖齡十餘歲矣甲戌四月
賜輔臣張公居正宅揆保衡四字呂公調陽同心夾輔
四字六卿正己率屬各一講臣六人責難陳善各一六
人者丁公士美何公洛文陳公經邦許公國申公時行
王公家屏也丙子張公位及慎行補入講幄上顧相君
曰新講官二人尚未賜與大字內使已濡墨竢上遂大
書二幅賜位及慎行字畫比賜諸公者稍大莊勁勝前
時御齡已十五矣

于慎行穀城山房筆塵

萬曆二年三月辛丑頒給御書於會極門責難陳善五幅賜日講官丁士美等敬畏二幅賜正字官徐繼申等陳懿典神廟聖學紀要

武清侯別業西北水中起高樓五楹樓上復起一臺俯瞰玉泉諸山御書青天白日四字於中東西書光華乾坤相對字各長二尺餘

燕都游覽志

神宗皇帝序草韻辨體一書頗備古今翰墨之變又御書金摺扇賜諸宮人則行體也

五石齋

光宗

光宗諱常洛神宗子

紀元彙考

毛尚忠為工部主事光宗在東宮識其才手書承恩堂額賜之

嘉善志

莊烈帝

莊烈帝諱由檢光宗第五子熹宗弟初封信王

帝王歷年圖

年圖

崇禎元年書敬天法祖扁額懸大殿兩楹書人心惟危

道心惟微惟精惟一允執厥中十六字崇禎遺錄

崇禎皇帝草書秀潤娟好自題視民如傷望道未見八字於便殿

五石瓠

李太后

李太后神宗生母也東安人神宗在位上尊號慈聖宣文明肅皇太后嘗書謙謹持家四字以貽其父李公公戒飭子孫毋敢傲

名山藏坤則記

慈壽寺神宗為慈聖皇太后建也寶藏閣係聖母御筆

題燕都遊覽志

李武清園方十里正中挹海堂堂北亭置清雅二字明

肅太后手書也

帝京景物略

王妃

王妃燕京人能詩工書以才色得幸於武宗侍幸薊州
溫泉題詩自書刻石今石刻尚存

列朝詩集

晉恭王桐

晉恭王桐國太原高后生

名山藏分藩記

恭王高皇帝第三子嘗命臣僚集鍾王帖中散逸字編成文句併千字文刻石傳世書史會要

晉莊王鍾鉉

晉莊王鍾鉉憲王之子高皇帝曾孫也博古喜法書嘗以絳帖歲久斷脫采舊所藏古今名人墨蹟摹刻以傳號曰寶賢堂集古法帖

朱謀瑋藩獻記

周定王櫛

周定王櫛高皇后生初封吳國錢塘改封周國開封好

學能詞賦工書製元宮詞百章時人以比之三輔黃圖
名山藏

周憲王有燉

周憲王有燉定王子博學善書製樂府新聲大梁人歌
舞之名山藏

憲王集古名跡十卷手自摹臨勒石傳世名曰東書堂
法帖書史會要

憲王書法真行醇婉無一筆失度特以腕力乏風格耳

藝苑卮言

鎮平王有燬

鎮平王有燬周定王子工詩歌書畫

名山藏

湘獻王柏

湘獻王柏高皇帝第十一子洪武十一年受封建國於
荊州幼而粹美讀書恒至夜分每出入以縹囊盛書自
隨或遇佳山水必徘徊終日刻石紀事詩歌豐腴書法
遒勁平居被服雅如建文初有讒之者闔宮自焚成祖

靖難聞之嗟悼不已謚曰獻

徐學謨海隅集

蜀定王友垓

蜀定王友垓善草書天順七年以世子嗣

吾學編

蜀惠王申鑿

蜀惠王申鑿懷王弟懷王無子以通江王進封好學能

文亦善書

名山藏

蜀成王讓栩

蜀成王讓栩好學善書

名山藏

成王蜀獻王五世孫昭王之子也王好學手不釋卷日
觀經史臨法書作詩屬對皆有程要

列朝詩集

寧獻王權

寧獻王權高皇帝第十六子也始封大寧徙南昌神姿
秀朗慧心天悟始能言自稱竒士好古博學旁通釋老
著述甚富兼善書法著書評一卷

書史會要

寧靖王奠培

寧靖王奠培號竹林嬾仙獻王孫睢幹疎髯尤敏於學

修文辭造語驚絕書法矯潔道勁必自初結構不肯襲
古每書成盡搜古帖偶一字同棄去更書

書史會要

吉簡王見浚

吉簡王見浚睿皇帝第五子也英宗復辟改元天順封
為吉王樂游嶽麓書院訪古哲賢遺跡命工梓先聖圖
及尚書以時誦觀暇則揮藻搦翰披賈太傅新書

海隅

集

遼惠王恩鐸

遼惠王恩鑑成化十六年嗣明睿端肅博通羣籍為文
雄健詩律精雅尤善大書

海隅集

韓昭王旭櫬

韓昭王旭櫬少穎異不羣學問忠孝能詩文善書

名山

藏

文城王彌鉗

文城王彌鉗穎哲儉素善詩賦及書隸廣置園圃亭榭
以延賓客士大夫過南陽皆造門求見

名山藏

三城王芝垝

三城王芝垝唐憲王子也博通羣籍所作行草人稱絕妙書史會要

枝江王致樞

枝江王致樞字仲馨王之六世祖為高皇帝第十四子天性穎異喜讀書工晉唐楷書

海隅集

荆端王厚烺

荆端王厚烺荆憲王玄孫也銳思典籍尤以篆隸著名

潘獻記

益端王祐楨

益端王祐楨憲宗子國建昌好書史工楷篆名山藏

安塞王秩炁

安塞王秩炁慶靖王季子高皇帝諸孫也好讀書善文

精楷書自稱滄洲野客

潘獻記

保安王

保安王號中和道人嘗臨十七帖刻石行於世

書史會

要

高唐王 齊東王

高唐王 齊東王

俱逸其名

王世貞云二王深於玉筋及大小

篆

藝苑卮言

婁妃

婁妃書倣詹孟舉楷書千文極佳江省永和門並龍興

晉賢寺額其筆也後人以其賢不忍更之

書史會要

楊妃

楊妃書法趙文敏頗得筆意但偏鋒耳

書史會要

安福郡主

安福郡主寧靖王奠培之長女下嫁宣聖五十八世孫
景文天順元年封安福郡主工草書能詩

列朝詩集

御定佩文齋書畫譜卷二十

欽定四庫全書薈要卷一萬一千三百五十三

子部

御定佩文齋書畫譜卷二十一

歷代帝王畫

后妃諸王附

黃帝

黃帝者少典之子姓公孫氏名曰軒轅

史記五帝本紀

黃帝以四嶽皆有佐命之山乃命潛山為衡嶽之副帝

乃造山躬寫形象以為五嶽真形之圖

張君房雲笈七

籤

虞

畫嫫

畫嫫說文云舜妹也畫始於嫫故曰畫嫫

金賚畫史會

要

世但知封膜作畫不知自舜妹始客曰惜此神技創於婦人余曰嫫嘗脫舜於瞽象之害則造化在手堪作畫

祖沈顗畫塵

後漢

明帝

明帝諱莊光武第四子也廟曰世祖後漢書本紀

帝雅好圖畫別立畫室又創立鴻都學以積奇藝詔博洽之士班固賈逵取諸經史事命上方畫工圖畫謂之

畫贊畫史會要

魏

高貴鄉公

高貴鄉公諱髦字彥士文帝孫東海定王霖子也

張彥遠云

善書 魏志本紀
畫

曹髦之蹟獨高魏代有祖二疏圖盜跖圖黃河流勢新
豐放雞犬圖傳於代又有於陵子黔婁夫妻圖

張彥遠

歷代名畫記

吳

吳王趙夫人

吳王趙夫人丞相趙達妹

見書家傳

善書畫巧妙無雙權思

得善畫者圖山川地形夫人乃進所寫江湖九州山岳

之勢 王子年拾遺記

晉

明帝

明帝諱紹字道畿元皇帝長子也幼而聰哲為元帝所

寵異雅好文辭又習武藝

張彥遠云善書畫最善畫佛像

廟號肅祖 晉

書本紀

彭城王紘上言樂賢堂有先帝手畫佛像經歷寇難而

此堂猶存宜勅作頌

晉書蔡謨傳

明帝有幽詩七月圖毛詩圖二列女二史記列女圖二
雜鳥獸五游清池圖息徒蘭圃圖雜畏鳥圖洛神賦圖
游獵圖雜禽獸圖東王公西王母圖洛中貴戚圖穆王
宴瑤池圖漢武回中圖瀛洲神圖人物風土圖傳於代
又畫列女禹會塗山殷湯伐桀圖

歷代名畫記

晉明帝師於王廙

同上

明帝畫本師王廙而沉著過之

張丑清河書畫舫

梁

元帝

元帝諱繹字世誠小字七符武帝第七子也始封湘東王帝工書善畫自圖宣尼像為之贊而書之時人謂之三絕

南史梁本紀

梁元帝畫職貢圖外國酋渠諸蕃土俗本末仍各圖其來貢者之狀

金樓子

帝任荊州刺史日畫蕃客入朝圖

李廌畫品云所畫粉本魯國而上三十五

國皆寫其使者欲見天下一家要荒種落共來王之職其狀貌各不同

武帝極稱善又有

遊春苑白麻紙圖鹿圖師利圖鷄鶴陂澤圖芙蓉醺鼎
圖並有題印傳於後歷代名畫記

梁元帝撰山水松石格

王氏畫苑

梁元帝嘗畫聖僧武帝親為贊之

畫史會要

豫章王綜

豫章王綜字世謙武帝第三子也尚書僕射徐勉出鎮
襄陽王餉以白團扇圖伐檀之詩

南史梁武帝諸子傳

南郡王大連

南郡王大連字仁靜簡文第五子也少俊爽能屬文舉
止風流雅有巧思妙達音樂善丹青大清元年為東揚
州刺史大寶元年封南郡王

南史梁簡文諸子傳

武烈世子方等

武烈世子方等字寔相元帝長子也少聰敏有俊才善
騎射尤長巧思拜都督贈侍中中軍將軍揚州刺史先
謚忠壯元帝即位改謚武烈

梁書本傳

方等尤能寫真坐上賓客隨意點捺即成數人問童兒

皆識之有龍馬出渥洼圖歷代名畫記

北齊

廣寧王孝珩

廣寧王孝珩文襄第二子也位至大司馬好綴文有技藝嘗於聽事壁自畫一蒼鷹見者皆以為真又作朝士圖亦當時之妙絕北史齊文襄諸子傳

隋

煬帝

煬帝姓楊氏諱廣一名英小字阿廢高帝第二子隋書
本紀

煬帝撰古今藝術圖五十卷既畫其形又說其事歷代
名畫記

隋帝於東京觀文殿後起二臺東曰妙楷臺藏自古法
書西曰寶蹟臺收自古名畫同上

唐

高祖

高祖諱淵字叔德姓李氏隴西成紀人唐書本紀

太宗

太宗諱世民高祖次子也唐書本紀

中宗

中宗諱顯高宗第七子也唐書本紀

玄宗

玄宗諱隆基睿宗第三子也唐書本紀

張彥遠云唐高祖神堯皇帝太宗皇帝中宗皇帝玄宗

皇帝並神武聖哲藝亡不周書畫備能

歷代名畫記

墨竹肇自明皇

張退公墨竹記

昭宗

昭宗諱晔懿宗第七子也

唐書本紀

光化元年昭宗還長安自為韓建畫像

五代史韓建傳

漢王元昌

漢王元昌高祖第七子太宗之弟少博學能書畫武德

十年封漢王

歷代名畫記

漢王元昌畫漢賢王圖

唐書藝文志

漢王天人之姿博綜伎藝頗得風韻自然超舉碣館深
崇遺迹罕見在上品二閭之上

李嗣真畫後品

漢王元昌善畫馬筆蹟妙絕後無人見畫鷹鵠雉兔見
在人間佳手降歎矣

朱景玄唐朝名畫錄

韓王元嘉

韓王元嘉高祖第十三子貞觀十年封韓王

舊唐書本

傳

韓王善畫龍馬虎豹

歷代名畫記

滕王元嬰

滕王元嬰高祖第二十二子貞觀十三年受封終隆州

刺史贈司徒

舊唐書本傳

滕王元嬰亦善畫

歷代名畫記

宋歐陽脩云王建宮詞多言唐宮禁中事如內中數日無呼喚傳得滕王蛺蝶圖滕王元嬰新舊唐書皆不著其所能惟名畫錄略言其善畫亦不云其工蛺蝶也又

畫斷云工於蛺蝶及見於建詩爾或聞今人家亦有得其圖者 歐陽脩六一詩話

滕王元嬰善丹青喜作蜂蝶朱景玄嘗見其粉本謂能巧之外曲盡精理不敢第其品格 宣和畫譜

江都王緒

江都王緒霍王元軌之子太宗猶子也多才藝善書畫鞍馬擅名垂拱中官至金州刺史 歷代名畫記

江都王善畫雀蟬驢子應制明皇潞府十九瑞應圖實

造神極妙

唐朝名畫錄

杜甫觀曹將軍畫馬圖詩云國初已來畫鞍馬神妙獨

數江都王

杜工部集

嗣滕王湛然

嗣滕王湛然茂宗子天寶十一載封滕王十五載從幸

蜀除左金吾將軍

舊唐書本傳

湛然善花鳥蜂蝶貞元四年任殿中監曾以畫進

董道

廣川畫跋

嗣滕王善畫蜂蟬燕雀驢子水牛曾見一本能巧之外

曲盡情理

唐朝名畫錄

寧王憲

寧王憲本名成器睿宗長子也拜左衛大將軍睿宗將建儲貳以成器嫡長而玄宗有討平韋氏之功意久未定成器涕泣固讓言甚切至乃許之開元四年避昭成皇后尊號改名憲封為寧王

舊唐書本傳

寧王善畫馬開元興慶池南華萼樓下壁上有六馬袞

塵圖內明皇最眷愛玉面花驄謂無纖悉不備風髻霧鬢信偉如也後壁唯有五馬其一者失去信知神妙將變化俱也

柳宗元龍城錄

五代

南唐後主李煜

南唐後主李煜字重光初名從嘉景第六子嗣立

五代

史南唐世家

後主善屬文工書畫

馬令南唐書

後主才識清瞻書畫兼精嘗觀所畫林木飛鳥遠過常
流高出意外金陵王相家有雜禽花木李忠武家有竹
枝圖皆稀世之玩郭若虛圖畫見聞志

李煜政事之暇寓意丹青頗到妙處自稱鍾峰隱居又
曰鍾隱後人畫清爽不凡別為一格又能為墨竹畫風
虎雲龍圖有霸者之略宣和畫譜

蜀後主后金氏

後主后金氏名飛山成都人也年十六姿容絕世兼擅

繪事乾德初選入掖庭後冊立為皇后

十國春秋

吳越王錢鏐

吳越王錢鏐字具美杭州臨安人梁太祖即位封鏐吳越王

五代史吳越世家

吳越王錢鏐畫墨竹

圖繪寶鑑

宋

仁宗

仁宗諱禎初名受益英宗第六子

宋史本紀

仁宗皇帝天資穎悟聖藝神竒遇興援豪超逾庶品伏
聞齊國獻穆大長公主喪明之始親畫龍樹菩薩命待
詔鏤板印施舊有家藏御畫御馬一匹其毛赭白玉銜
勒上有宸翰題云慶厯四年七月十四日御畫兼有押
字印寶兼曾見張文懿家有小猿一軸仍聞禁中有天
王菩薩像

圖畫見聞志

張丞相孫德淑收仁宗畫黑猿上有小御寶畫竒甚

米

帝畫史

徽宗

徽宗諱佶神宗第十一子 宋史本紀

國朝諸王弟多嗜富貴獨祐陵在藩時嗜玩早不凡所
事者獨筆研丹青圖史射御而已當紹聖元符間年始
十六七於是盛名聖譽布在人間識者已疑其當辟矣
初與王晉卿誥宗室大年令穰往來二人者皆喜作文
辭妙圖畫而大年又善黃庭堅故祐陵作庭堅書體後
自成一法也時亦就端邸內知客吳元瑜弄丹青元瑜

者畫學崔白書學薛稷而青出於藍者也後人不知往往謂祐陵畫本崔白書學薛稷凡斯失其源派矣

蔡條

鐵圍山叢譚

徽宗皇帝天縱將聖藝極於神即位未幾因公宰奉清閒之宴顧謂之曰朕萬幾餘暇別無他好惟好畫耳故祕府之藏充牣填溢百倍先朝又取古今名人所畫上自曹不興下至黃居寀集為一百帙列十四門總一千五百件名之曰宣和睿覽集蓋前世圖籍未有如是之

盛者也於是聖鑒周悉筆墨天成妙體衆形兼備六法
獨於翎毛尤為注意多以生漆點睛隱然亘許高出紙
素幾欲活動衆史莫能也政和初嘗寫仙禽之形凡二
十題曰筠莊縱鶴圖或戲上林或飲太液翔鳳躍龍之
形警露舞風之態引吭唳天以極其思刷羽清泉以致
其潔並立而不爭獨行而不倚閒暇之格清迥之姿寓
於縑素之上各極其妙而莫有同者焉已而又製奇峰
散綺圖意匠天成工奪造化妙外之趣咫尺千里其睛

巒疊秀則閨風羣玉也明霞紆綵則天漢銀潢也飛觀
倚空則仙人樓居也至於祥光瑞氣浮動於縹緲空明
之間使覽之者欲跨汗漫登蓬瀛飄飄焉峢峢焉若投
六合而隘九州也五年三月上巳賜宰臣以下燕於瓊
林侍從皆預酒半上遣中使持大盃勸飲且以龍翔池
瀉鴈圖并題序宣示羣臣凡預燕者皆起立環觀無不
仰聖文觀奎畫贊歎乎天下之至神至精也其後以太
平日久諸福之物可致之祥湊無虛日史不絕書動物

則赤烏白鵲天鹿文禽之屬擾於禁籞植物則檜芝珠
蓮金柑駢竹瓜花來禽之類連理並蒂不可勝紀乃取
其尤異者凡十五種寫之丹青亦目曰宣和睿覽冊復
有素馨末利天竺娑羅種種異產究其方域窮其性類
賦之於詠歌載之於圖繪續為第二冊已而玉芝競秀
於宮闈甘露宵零於紫篁陽烏丹兔鸚鵡雪鷹越裳之
雉玉質皎潔鷺鷥之雛金色煥爛六目七星巢蓮之龜
盤螭翥鳳萬歲之石並幹雙葉連理之蕉亦十五物作

冊第三又凡所得純白禽獸一一寫形作冊第四增加不已至累千冊各命輔臣題跋其後寔亦冠絕古今之美也鄧椿畫繼

徽宗尤善墨花石作墨竹繁細不分濃淡一色焦墨叢密處微露白道自成一家畫後押字用天水及宣和政和小壘或用瓢印蟲魚篆文

畫史會要

高宗

高宗諱構字德基徽宗第九子

宋史本紀

高宗書畫皆妙作人物山水竹石自有天成之趣上用
乾封印晚居北內多用太上皇帝之寶德壽殿寶御府
圖書圖繪寶鑑

劉貴妃

劉貴妃臨安人紹興十八年入宮專掌御前文字工書
畫畫上用奉華堂印

陳善杭州志

劉婉儀

劉婉儀初入宮封宜春郡夫人尋進才人

宋史本傳

劉夫人善畫人物得古人筆法高宗甚愛之畫史會要

周王元儼

周王元儼太宗子謚恭肅

宋史本傳

恭肅王名重戚藩精於像物嘗觀所畫鶴竹雪毛丹頂
傳警露之姿翠葉霜筠盡含煙之態亦嘗自朽十六羅
漢令蜀人尹質描染稜稜風骨非常格所能及圖畫見聞志

景王宗漢

景王宗漢

畫繼云
字獻甫

英宗幼弟累拜保寧軍留後鄴國公

東陽安康郡王元符初以彰德軍節度使檢校司空嗣
濮王大觀三年贈太師追封景王謚孝簡善畫嘗作八
鴈圖人稱其工

宋史本傳

嗣濮王宗漢作蘆鴈有佳思米元章題詩曰偃蹇汀眠
鴈蕭梢風觸蘆京塵方滿眼速為喚花奴又曰野趣分
弱水風花剪鑑湖塵中不作惡為有鄴公圖元章許予
甚嚴詩意如此則可知其含豪運思矣

畫繼

景王宗漢無聲色之好惟以丹青自娛氣韻瀟灑

畫史

會要

益王頽

益王頽初名仲格英宗第四子謚端獻

宋史本傳

端獻王頽戲作小筆花竹蔬果與夫難狀之景粲然目前以寫墨竹其茂梢勁節吟風瀉露拂雲篩月之態無不曲盡其妙復善蝦魚蒲藻古木江蘆有滄洲水雲之趣非畫工所得以窺其藩籬也

宣和畫譜

鄆王楷

鄆王楷徽宗第三子初名煥始封魏國公進高密郡王
歷十一節度使政和八年廷策進士唱名第一超拜太
傅改王鄆

宋史本傳

鄆王稟資秀拔為學精到性極嗜畫頗多儲積凡得珍
圖即日上進而御府所賜亦不為少復皆絕品故王府
畫日至數千計又復時作小筆花鳥便面克肖聖藝今
祕閣畫目有水墨筍竹及墨竹蒲竹等圖

畫繼

鄆王善畫花鳥極為精到尤善墨花但用墨麤欠生動

耳
圖繪寶鑑

漢王士遵

漢王士遵高宗之叔善人物山水著色景頗似李昭道
紹興間一時婦女服飾及琵琶院面所作多以小景山
水寔始於士遵其筆超俗

圖繪寶鑑

景獻太子詢

景獻太子詢燕王後藝祖十一世孫初名與愿開禧元

年立為皇太子宋史本傳

景獻太子善畫竹石圖繪寶鑑

臨川郡王迺裕

臨川郡王迺裕景獻太子子尤工墨竹喜作挂屏長竿
枝梢旁出如簷底乍見濃墨獵獵頗具掀舞之態題詩
其上用善雅堂印圖繪寶鑑

越國夫人王氏

越國夫人王氏端獻王婦王審琦後以淡墨寫竹整整

斜斜曲盡其態見者疑其影落縑素

圖繪寶鑑

遼

聖宗

聖宗諱隆緒小字文殊努十歲能詩既長精射法曉音

律好繪畫

遼史本紀

興宗

興宗諱宗真字葉不肯小字濟古爾聖宗長子

遼史本紀

郭若虛曰皇朝與大遼馳禮繼好息民曠古未有慶厯

中其主

號興宗

以五幅縑畫千角鹿圖為獻旁題年月日

御畫上命張圖於太清樓下召近臣縱觀次日又勅中

闡宣命婦觀之畢藏於天章閣

圖畫見聞志

金

海陵王

海陵王亮字元功本諱德高遼王宗幹第二子在位十

二年大定初降封為海陵郡王謚曰煬

金史本紀

海陵煬王以才藝自矜好寫方竹亦有奇致嘗遣使入

宋藏畫工於衆中潛寫西湖圖歸國而繪已象於吳山最高處因有立馬吳山第一峰之句

繪事備考

顯宗

顯宗諱允恭本諱呼塔噶世宗第二子章宗父世宗即位封楚王置官屬賜名允迪專心學問與諸儒臣講議於承華殿燕閑觀書乙夜忘倦

金史世紀補

顯宗畫獐鹿人馬學李伯時墨竹自成一家雖未臻神妙亦不涉流俗章宗每題其籤

圖繪寶鑑

元

文宗

文宗諱圖上特穆爾武宗次子明宗弟也元史本傳

文宗居金陵時命房大年畫京都萬歲山大年辭以未
嘗至其地上索紙為布畫位置令按藁圖上格法道整
雖專工所莫及陶宗儀輟耕錄

錫錫太子

錫錫太子泰定皇帝次三子元史諸王表

鄧文原題錫王畫鹿云禮樂河間雅好儒曾陪校獵
奉金輿畫長靈園觀遊後政暇嘉賓燕集餘蛺蝶圖工
人去久騶虞詩好化行初宗藩翰墨留珍賞憑仗相如

賦子虛

鄧文原巴西集

明

太祖

太祖諱元璋字國瑞濠州人也姓朱廟號太祖

何喬遠

名山藏

太祖嘗命畫史周玄素繪天下江山於殿壁玄素對曰
臣未嘗徧歷九州惟陛下賜草規模臣謹依潤之上即
操筆倏成大勢玄素對曰陛下山河已定安敢復動上
悅畫史會要

宣宗

宣宗諱瞻琪仁宗嫡長子也翰墨圖畫隨意所在盡極
精妙名山藏

宣宗御製山水圖歌序曰長春真人劉淵然志存閒佚

辭歸南京朕重其去也因取孔子仁智壽樂之旨援筆作山水圖賜之

列朝詩集

貝泰為祭酒宣廟召見便殿賜御製招隱歌及翎毛二十四幅

列卿紀

夏原吉誕辰上親繪壽星圖又親繪秋香梅竹二圖文禽非熊春霽魚游春水圖賜焉

王鏊震澤集

宣廟御筆有山水有人物有花果翎毛有草蟲上有年月及賜臣名寶用不一有廣運之寶武英殿寶雍熙世

人等圖書

圖繪寶鑑續纂

宣廟畫蟾吸樹上蟬御書賜楊溥素中道游居錄

宣宗萬幾之暇游戲翰墨點染寫生遂與宣和爭勝列

朝詩集

憲宗

憲宗諱見深英宗長子也名山藏

憲宗嘗寫張三丰像神彩飛動超然塵表畫史會要

孝宗

孝宗諱祐檜憲宗子也

名山藏

孝宗萬幾之暇游筆自娛點刷精妍妙得形似畫史會要

憲廟孝廟御筆皆神像上識以年月及寶圖繪寶鑑續纂

周定王櫛

周定王櫛國開封以國土遠曠庶草蕃廡辨察其可佐饑饉者種植四百餘種繪而疏之名救荒本草

名山藏

周憲王有燉

周憲王有燉定王子好文辭兼工書畫

朱謀瑋藩獻記

憲王畫瓶盆中牡丹最有神態

畫史會要

鎮平王有燠

鎮平王有燠周定王第八子工吟咏兼通畫有菊譜圖

畫史會要

寧靖王奠培

寧靖王奠培號竹林嬾仙寧獻王孫寫山水若草草不

經意自然神妙

畫史會要

唐成王彌錡

唐成王彌錡莊王之子也篤行博學工詩繪弘治二年

嗣爵藩獻記

岷靖王彥汰

岷靖王彥汰弘治十七年封天資俊逸經史諸書一覽

即知大指尤善為詩工繪事

徐氏海隅集

三城王芝垓

三城王芝垝唐憲王子也博通羣書尤嗜繪事法書名畫未嘗一日去手

藩獻記

富順王厚焜

富順王厚焜荆和王第二子也潛心問學博貫羣藝嗜詩兼精繪事一日拂素圖蜀葵移暴日中蜂蜨叢集花上拂之輒來其神妙動物如此

藩獻記

樂安端簡王拱羅

樂安端簡王拱羅靖莊王子也以文雅才辨著稱燕精

繪事 潘獻記

卷二十一

枝江王致樨

枝江王致樨字仲馨詩畫靡不精詣

海隅集

浦陽王常漿

浦陽王常漿善畫

名山藏

湘王

湘王善畫嬰兒

畫史會要

遼王

遼王善畫人物 畫史會要

衡陽王

衡陽王善畫鷹鷂 畫史會要

永寧王

永寧王善畫牡丹 畫史會要

建安王

建安王號中仙善寫翎毛 畫史會要

鍾陵王

鍾陵王善畫人物 畫史會要

潞王

潞王善畫竹石

圖繪寶鑑續纂

魯王

魯王善畫蘭竹

圖繪寶鑑續纂

肅王

肅王善花鳥蘭石

圖繪寶鑑續纂

御定佩文齋書畫譜卷二十一

謹案卷二十第二十二頁前七行多爾濟舊作吸

里只今改又默呼舊作彌里今改後四行文

殊努舊作文殊奴今改後七行聶呼舊作涅

鄰今改又察喇舊作查刺今改二十三頁後

八行成默舊作長沒今改二十四頁前一行

和拉準舊作和魯重今改前五行哈喇舊作

合刺今改後三行烏嚕舊作烏祿今改後

八行瑪達格舊作麻達葛今改二十六頁前

一行罕都舊作桓篤今改 前五行摩囉歡舊

作謀良虎今改 後二行固紳舊作谷神今改

又罕都舊作歡都今改 後八行阿裕爾巴里

已特喇舊作愛育黎拔力八達今改 二十七

頁前五行碩迪巴拉舊作碩德八剌今改 後

一行拜珠舊作拜住今改 後六行伊蘇特穆

爾舊作也孫鐵木兒今改 又噶瑪拉舊作甘

麻刺今改 二十八頁前四行圖卜特穆爾舊


作圖帖木兒今改 後三行庫庫舊作巉巉今
改 後六行托歡持穆爾舊作妥權貼睦邇今
改 二十九頁後三行阿裕錫哩達刺舊作愛
猷識里達臘今改 三十頁前五行哈喇哈孫
舊作哈刺哈遜今改 前六行威喇諾爾氏舊
作幹刺納兒氏今改

卷二十一第十八頁後七行葉不肯舊作夷不董
今改 又濟古爾舊作只骨今改 十九頁前

六行德古舊作迪古乃今改 後四行呼塔
噶舊作胡土瓦今改 二十頁前八行錫錫舊
作小薛今改後仿此



財團法人 佛陀教育基金會 釋淨空 敬贈



總校官庶吉士 臣 張能照
校對官庶吉士 臣 陳 墉
謄錄監生 臣 張 健